

**EUSKARA.** Agiria duten eragileek herritarrek euskararen alde duten jarrerarekin bat egiten dutela dio Kontseiluak

# «Bai Euskarari Ziurtagiria lehiakortasun abantaila da», eragileen ustez

Akordioaren Jarraipen Batzordeak bilera egin zuen atzo Bilbon



MARISOL RAMIREZ / ARGAZKI PRESS

Jarraipen Batzordeko kideak atzo Bilbon egindako biltzarrean.

Erredakzioa | BILBO

Dagoeneko 329 gizarte eragilek lortu dute Bai Euskarari Ziurtagiria. Hala adierazi zuten atzo Jarraipen Batzordeko kideek Bilbon egindako bilkuraren ostean emandako prentsaurrekoan.

Gabriel Zeberio Jarraipen Batzordeko kideak atzo azpimarratu zuenez, «begi-bistakoa da Kontseiluak euskararen normalizazioaren alde egiten duen lana». Hala, arlo desberdinetako gizarte eragileak hizkuntza normalizazioaren prozesuan agente aktiboak izan daitezzen, Kontseiluak daraman bidea «eraginkorra» dela adierazi zuen.

Zentzu horretan, Bai Euskarari Ziurtagiria lortu duten eragileek herritarrek euskararen alde duten jarrerarekin bat egiten dutela esan zuen Zeberio. Eta bategite horrek hizkuntza normalizaziorako indarrak biderkatzen dituela esan zuen. «Aldi berean, onura soziala dakar bertako hizkuntzak gizarte eremu guztietan dagokion papera izaten laguntzen duelako», gaineratu zuen.

## Ziurtagiria lehiakortasunerako abantaila

Bestalde, Bai Euskarari Ziurtagiria izatea lehiakortasun abantaila dela azaldu zuen Jarraipen Batzordeko kideak: «gizarte eragileek prozesu honetan parte hartzea begi onez ikusten dute herritarrek, eta jakin badakite euskararen alde eginiko

AGIRIA

## Bai Euskarari Ziurtagiria izatea lehiakortasun abantaila da, Kontseiluaren aburuz

lana ekonomikoki eta sozialki saritzen, hizkuntzaren normalizazioan inplikaturik dauden erakundeek ikusi ahal izan dutenez».

Bukatzean, Hizkuntza normalizazioa lortzeko gizarte arlo guztietako eragileek parte hartzeko deia egin zuen Gabriel Zeberio Jarraipen Batzordeko kideak, «denok beharrezkoak gara prozesu honetan eta denon ahaleginen bidez lortu ahal izango dugu gure hizkuntzak bere garapen oso izatea».

## Bai Euskarari Ziurtagiria

Bai Euskarari Ziurtagiria gizarte eragileek euskararekin hartutako konpromisoaren adierazlea da. 1998an, ehunka eragilek izenpetu zuten Bai Euskarari Akordioa, eta orduz geroztik egindako lana nolabait saritu edo ezagutzea da Kontseiluak ziurtagiriaren banaketarekin egin nahi duena.

Ziurtagiriak hiru maila dauka, eragileek euskararekin hartzen duten konpromisoaren arabera.

Ziurtagiria lortzeko baldintzak betetzen diren edo ez erabakitzeko Jarraipen Batzordea osatu zuten.

Nagore Rodríguez | DONOSTIA

Euskal Herri osorako euskararen ofizialtasuna eskatu du Euskal Herrian Euskaraz elkartek (EHE). Euskal Herrian, euskara bigarren mailako hizkuntza dela salatu du, azkenaldian euskarak jasaten dituen erasoak gaitzestearekin batera. Horregatik, euskararen aurkako erasoak salatze-ko, larunbatean Oinarriak elkarguneak Iruñean egingo duen manifestazioan parte hartzeko deia egin du elkarteak.

Euskal Herrian, eta, bereziki, Nafarroan, euskarak jasaten dituen erasoak «itzelak» dira, EHEren arabera. Nafarroan, «UPN hizkuntza politikaren buru dela, euskara epe motzean jendartetik desagertzeko saio politiko handia» egiten ari direla deitoratu du elkarte euskaltzaleak.

Administrazioan euskararen erabilera arautzeko dekretua Vascuencearen Legearen ildo beretik doala adierazi zu-

## Euskararen ofizialtasuna eskatu eta Iruñeko manifestaziora joateko deia egin du EHEk

ten elkarteko kideek atzoko agerraldian. «Vascuencearen Legearen XVI. urteurrena betetzen denean, lege hori euskararen aurka egin zela gogorarazi behar da, eta urte guztietan, euskararen etsaiek eraginkortasunez» erabili dutela azaldu zuten. Dekretua horren jarraipena baino ez dela gaineratu zuten atzo. «Lege horrek aukera guztiak eskaintzen ditu euskararen aurkako politika egiteko, eta halaxe egin dute», erantsi zuten.

### Euskararen aurkako neurriak

Horregatik, azken garaiotan euskararen aurka hartutako neurriak salatu ditu elkarteak: «Komunikabideei diru laguntzak banatzeko irizpide baztertzailaren arabera, Euskal Herria Irratia, Nabarra aldizkaria eta NAFARKARIA diru laguntzarik gabe geratuko dira. Euskaraz

NAFARROA

«Euskara epe motzean jendartetik desagertzeko saio politiko handia egiten ari dira»

ETORKIZUNA

«Euskaraz biziko den herria eraikitzeke urrats berri eta eraginkorrak behar dira»

eta euskara ikasteko gero eta zailtasun hadiagoak daude, esaterako, euskarazko irakaskuntzarekiko dagoen presioa eta oztopatzea nabarmendu behar dira, euskara unibertsitatean arautuko duen lege proposamena ere hor dago», adierazi zuten.

Bestalde, dekretuaren hari- ra, Nafarroako Gobernua Euskararen Kontseilua sortzera behartua izan dela dio EHEk. Haatik, erakundearen aburuz, euskararen alde ekin behar-ean euskararen kontra egiteko baliatu dute. Eta horregatik, hainbat eragileren parte- hartzea kritikatu dute.

Nafarroan ez ezik, oro har, Euskal Herri osoan euskara zapalduta dagoela esan zuten EHEko kideek. Ildo horretan, marko juridikoak, «gure herria, euskal komunitatea, eta euskara zatitzen» dituela deitoratu zuten.

Gainera, marko juridikoak hizkuntza eskubideak bortxatzen dituela esan zuten. Horregatik, sakoneko aldaketa bat egitea beharrezkotzat jo zuten.

Aldaketa horren ardatzak, lurraldetasuna, euskara ofizial izendatuko lukeen legedi ba-

karra, eta hizkuntza politika berri bat izango lirateke, EHEren ustez. Horretarako, euskara Euskal Herriko berezko hizkuntza bakar gisa onartzea eta babestea derrigorrezkoa dela dio elkarteak.

### Euskararentzat urrats berriak

Euskal Herriak eta euskarak ezinbestez urrats berri eta eraginkorrak behar dituztela dio EHEk: «Euskaraz biziko den herria eraiki nahi badugu, argi utzi behar dugu ezinbestez sartu behar garela urrats horietan. Bestela, egungo oinarrietan, gaztelania eta frantse- sa dira garaile. Eta euskara bigarren mailan egongo da, hiltzeko zorian».

Zentzu horretan, Euskal Herrian Euskarazek Udalbiltzak onartu berri duen Euskal Herriaren eskubideen Karta aipatu zuen. «Ekimen hori txalotu nahi dugu, hain zuzen ere, Euskal Herria aintzat hartu eta euskal herritarren hizkuntza eskubideen definizioa egiten duelako».